

Nadzorni odbor KJKP „Park „ d.o.o. Sarajevo

Broj: P-3570-7-3/19
Sarajevo, 12.11.2019.

Na osnovu člana 257. tačka f) Zakona o privrednim društvima ("Službene novine FBiH", broj 81/15), čl. 41. i 56. Statuta KJKP "Park" d.o.o. Sarajevo, broj: P-3592-1-1-A, od 30.11.2016., broj: P-384-2-1, od 26.2.2019., i broj: P-2725-3/19, od 9.9.2019., i člana 19. Poslovnika o radu Nadzornog odbora KJKP „Park“ d.o.o. Sarajevo, broj: P-3506-4-1/19, od 7.11.2019., a u skladu s Odlukom o kriterijima i posebnim uslovima za izbor i imenovanje direktora KJKP "Park" d.o.o. Sarajevo, broj: P-3570-7/19, od 12.11.2019., i Odlukom o raspisivanju konkursa za izbor i imenovanje direktora KJKP "Park" d.o.o. Sarajevo, broj: P-3570-7-1/19, od 12.11.2019., na 1. vanrednoj sjednici, održanoj 12.11.2019., Nadzorni odbor KJKP "Park" d.o.o. Sarajevo donosi

ODLUKU **O KRITERIJIMA, POSTUPKU I NAČINU PREDLAGANJA KANDIDATA** **ZA IZBOR DIREKTORA KJKP "PARK" D.O.O. SARAJEVO**

Član 1.

Ovom odlukom utvrđuju se kriteriji, postupak i način predlaganja za izbor direktora KJKP "Park" d.o.o. Sarajevo.

Član 2.

Komisija za provođenje konkursa za izbor i imenovanje direktora dužna je nakon zaključenja konkursa i isteka roka za prijavu na konkurs otvoriti sve prispjele prijave, pregledati ih i utvrditi da li su iste blagovremene i s potpunom dokumentacijom, odnosno koje prijave su neblagovremene i/ili nepotpune.

Član 3.

Komisija je dužna razmotriti sve blagovremene i potpune prijave i sačiniti listu najboljih kandidata koji su ušli u uži izbor i koji ispunjavaju uslove konkursa, opće i posebne uslove i kriterije za izbor i imenovanje propisane Odlukom o kriterijima i posebnim uslovima za izbor i imenovanje direktora KJKP "Park" d.o.o. Sarajevo.

Tel. Centrala: +387 33 560 560;
Direktor: +387 33 560 570, 201-977;
Fax: +387 33 560 561; 201-977;
E-mail: info@park.ba;
www.park.ba

Općinski sud u Sarajevu
Broj sudskog registra UF/I-2558/05
Porezni broj: 01071306;
Matični broj: 20379383;
Matični registracioni broj: 1-566

NLB Banka 1322602019095668;
UniCredit bank d.d. 3386902212020028;
Raiffeisen bank d.d. Sarajevo
1610000008150048;
Turkish Ziraat bank Bosnia d.d. Sarajevo
1860001022085047

Član 4.

- (1) Komisija je dužna sve kandidate koji su ušli u uži izbor pozvati na intervju.
- (2) Prilikom pozivanja kandidata na intervju, svaki kandidat koji je ušao u uži izbor mora ispuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja.
- (3) Komisija će prije intervjua zahtijevati od kandidata koji su ušli u uži izbor da daju podatke o određenom broju ranijih poslodavaca od kojih se mogu dobiti preporuke i informacije o kandidatima.
- (4) Komisija je dužna da utvrdi pitanja koja će postavljati kandidatima koji su pozvani na intervju.
- (5) Prilikom intervjua osigurati će se da svi kandidati budu upoznati sa standardima ličnog integriteta koji se traže za lica imenovana na javnu poziciju, da su pitanje o sukobu interesa detaljno objašnjena i detaljno razmotrena sa svim kandidatima i da su svi kandidati detaljno upoznati o pravu javnosti putem zakonom propisanih mehanizama.

Član 5.

- (1) Nakon intervjua, Komisija će izvršiti ocjenu kandidata.
- (2) Svaki član Komisije će kandidata ocijeniti s ocjenom od 1 do 5, a ocjene svih članova Komisije dati će prosječnu ocjenu koja će biti konačna ocjena kandidata.
- (3) Komisija će Nadzornom odboru KJKP „Park“ d.o.o. Sarajevo putem pisane preporuke predložiti rang listu najboljih kandidata na osnovu prosječne ocjene i dostaviti istu na dalje razmatranje.
- (4) Pisana preporuka sadrži sve relevantne informacije o kandidatima do kojih je Komisija došla u svom radu, te samu preporuku.
- (5) Smatra se da je kandidat koji se nalazi na prvom mjestu na rang listi i koji je Komisija preporučila, najuspješnije prošao otvorenu konkurenciju.
- (6) Nakon što Komisija dostavi prijedlog rang liste, Nadzorni odbor izvršiti će izbor i imenovanje direktora.

Član 6.

Ova odluka stupa na snagu danom donošenja.

PREDSJEDNIK
NADZORNOG ODBORA

Davor Matić



Dostavljeno:

- Nadzornom odboru,
- Komisiji,
- Upravi,
- SOP,
- a/a.